



## **Clypevs Theologiæ Thomisticæ**

Continens Tractatus de Beatitudine, de Actibus humanis, eorumque Moralitate; de Virtutibus ac Donis, de Vitiis ac Peccatis, & de Legibus, nec-non Dissertationem Theologicam de Probabilitate

**Gonet, Jean-Baptiste**

**Parisiis, 1669**

§. I. Conclusio affirmativa statuitur

---

[urn:nbn:de:hbz:466:1-77355](#)

tionis in Beatis, & tristitia in damnatis: Atqui A  
objēctum immediatum tristitia, quam habent  
damnati, non est Deus secundūm se, sed caren-  
tia divine visionis: Ergo objēctum immediatum  
delectationis Beatorum non est Deus, sed visio  
beatifica.

Hic argumento responder Caietanus 2. 2.  
5. qu. 17. art. 5. negando paritatem: duplēcē autem affīgat rationem dīscriminis. Prima est,  
quia Beati habent appetitum recte dispositum;  
& idē primō & principaliter gaudent de eo de  
quo magis est gaudendum: primō enim ga-  
udent de bono divino in se, secundō de bono  
divino, quatenus est ipsorum bonum, & tertīo  
de ipsa visione: At verō damnati, quia habent  
voluntatem deordinatam, non tristantur de eo  
quod opponitur bono divino in se, cuiusmodi  
est malum culpæ, neque similiter de Deo non  
vīso, sed tantum de carentia visionis. Secunda  
disparitas est, quia Deus secundūm se est objē-  
ctum maximē conveniens creatura rationali;  
unde secundūm se habet quōd possit esse objē-  
ctum delectationis Beatorum: At non habet se-  
cundūm se aliquid disconveniens, sed tantum  
quatenus infert aliquid malum pœna; & idē  
sub hac tantum ratione est objēctum tristitia in  
damnatis.

56. Objicies quartō: D. Thomas infrā quēst. II.  
art. 3. ad 3. dicit quōd finis sumptus pro re qua  
est finis, & pro adoptione rei, non sunt duo fi-  
nes, sed unus finis; ex quo infert cādem fruitio-  
ne nos frui Deo, & visione illius: Ergo delecta-  
tio seu fruitio beatifica est de utraque imme-  
diata.

57. Respondeo concessō Antecedente, negando  
Consequentiam: licet enim verum sit cādem  
fruitione nos frui Deo, & beatitudine formalī,  
qua est adeptio Dei, non tamen cōdem modō;  
sed Deo fruimur primō & principaliter, visione  
verō, qua est adeptio ejus, secundariō & per  
reflexionem, ut in secunda parte conclusionis  
declaravimus. Neque hinc sequitur esse duos fi-  
nes, Deum & ejus adoptionem: nam ut essent  
duo fines ultimi, opus est ut tam Deus, quam  
ejus adeptio, haberent dignitatem ultimā dili-  
gibilem propter se; hoc enim est de ratione ul-  
timi finis: quod hīc non contingit, cū solus  
Deus talem bonitatem habeat; adeptio verō  
ejus solūm sit id quō Deus talem bonitatem  
habens nobis conjungitur.

## ARTICVLVS IV.

Vtrum Beati sint impeccabiles ab  
intrinseco?

NEGANT Scotus & Nominales in I. dist.  
I. qu. 4. afferentes Beatos esse impeccabili-  
les solūm ab extrinseco, & ex divina provi-  
den-  
tia, impedita ne in peccatum labantur, eos-  
que ad Dei amorem continuō determinante &  
applicante. Quā sententiam probabilem reputat Salas hīc tract. 2. disp. 7. lect. 8. licet oppo-  
situm judicet probabilius, loquendo de visione  
quā beatificamur de facto, scīs de alia possi-  
bili, qua tam tenuis, inquit, esse potest, ut non  
confirmet ab intrinseco in bona voluntate. Op-  
positum docent alij Theologi, maximē Thomi-  
ste: unde sit

Tom. III.

S. I.

Conclusio affirmativa statuitur.

Dico breviter, Beatos esse impeccabiles ab  
intrinseco.

Probatur conclusio multipliciter: Primō, quia  
Beatitudo petit ab intrinseco omne bonum af-  
ferre, & omne malum auferre: Sed impeccabi-  
litas est maximum bonum, peccatum vero sum-  
mum malum: Ergo beatitudo postulat ab intrin-  
seco excludere omne peccatum, & reddere  
beatum impeccabilem.

Secundō probatur: Beatitudo est inamissibi-  
lis ab intrinseco, ut ostendemus in ultima dis-  
putatione: Ergo petit ab intrinseco excludere,  
seu impedire omne id ratione cuius posset amittī:  
sicut cōsum, quia ab intrinseco est incorru-  
pibile, ab intrinseco petit excludere omne quod  
ad illius corruptionē disponeret: At pecca-  
tum, si de facto daretur, beatitudinem destrue-  
ret; cū beatitudo sit summa felicitas, pecca-  
tum vero summa miseria: Ergo beatitudo ab in-  
trinseco petit peccatum excludere, si commissum  
inveniat, & commitendum impedire.

Tertiō probatur: Licet repugnet creaturæ es-  
se impeccabilem per naturam, ei tamen conve-  
nire potest impeccabilitas per gratiam: At nulla  
gratia ad hunc effectum prāstantum aptior est,  
quam gratia consummata patriæ, cū illa sit  
perfectissima, & veluti in suo centro & statu  
connaturali: Ergo illa reddit Beatos ab intrin-  
seco impeccabiles: unde i. Petri 1. vocatur *in-  
corruptibilis & incontaminata hereditas*.

Confirmatur: Gratia patriæ est multō perfe-  
ctor, saltem quantum ad modum operandi,  
quam quilibet gratia viæ; cū illa reguletur  
per lumen gloriæ, & claram Dei visionem, ita  
verō per fidem & cognitionem obscuram: Sed  
gratia viæ interdum confirmat & immobilitat  
hominem in bono, illumque reddit impeccabi-  
lem, etiam venialiter, ut patet in Beata Virgi-  
ne: Ergo à fortiori gratia patriæ id præstat in  
Beatis & comprehensoribus.

Neque valet, si dicas donum confirmationis  
& impeccabilitatis in Beata Virgine, & in aliis  
Sanctis confirmatis in gratia, non provenire ab  
aliqua perfectione intrinseca gratia, sed ab ex-  
trinseco favore & manutentia Dei; quā etiam  
ratione omnes Beati sunt impeccabiles, juxta  
sententiam Scoti. Non valet, inquam, nam  
(præterquam quōd hoc falsum est, ut demon-  
stant nostri Thomistæ in tractatu de gratia; ubi  
docent in viatoribus donum confirmationis in  
gratia non solūm consistere in providentia Dei  
extrinseca, occasione peccandi tollente, sed  
etiam in aliqua perfectione intrinseca gratia,  
qua attendit secundūm quandam participa-  
tionem gratiæ & charitatis patriæ; de quo vi-  
deri potest Alvarez disp. 104. de auxiliis) hoc  
datō, non infringitur vis argumenti propositi:  
Gratia enim patriæ, cū sit perfectior, & in suo  
statu connaturali, aliquid amplius expofcit  
quam gratia viæ: Ergo si gratia viæ extrinseco  
favore & manutentia Dei interdum reddit  
hominem impeccabilem, gratia consummata  
patriæ id ex natura sua, & ex perfectione sibi  
intrinseca præstare perit.

Quarto probatur conclusio: Sicut se habet  
voluntas damnatorum ad malum, ita ad minus  
se habet voluntas Beatorum ad bonum: Sed

I ij

58.

59.

60.

61.

62.

63.

damnati, ex eo quod sunt in termino, ita habent voluntatem obstinatam & obfirmatam in malo, ut nullum possint bonum opus elicere, *Disp. 1.* ut in tractatu de Angelis ostensum est: Ergo etiam anima Beatorum ex ipsa conditione & natura statu beatifici, quia nimur sunt in termino, habent voluntatem ita confirmatam in bono, ut nullum peccatum mortale aut veniale possint committere. Unde Augustinus lib. 3. contra duas Epist. Pelagian. cap. 7. *Hic præcetum est, ut non peccemus: ibi premium, non posse peccare.*

*64.* Quinto: Ex D. Thoma 1. p. quæst. 63. art. 1. illa creatura est impeccabilis ab intrinseco, qua immobiliter conjungitur regulæ sua operationis: Sed Beatus regulari sua operationi, nempe ultimo fini, per visionem & amorem beatificum immobiliter conjungitur: Ergo est ab intrinseco impeccabilis. Minor patet, Major probatur: tum quia peccare nihil aliud est quam defletere & declinare a rectitudine sua regulæ: tum etiam quia, ut ibidem ait S. Doctor, si manus artificis esset ipsa regula incisionis, vel talem regulam inseparabiliter haberet sibi conjunctionem, non posset nisi recte scindere: Ergo similiter voluntas, qua immobiliter conjungitur regulæ sua operationis, non potest nisi recte operari, subindeque est ab intrinseco impeccabilis.

*65.* Denique suadetur conclusio, declarando in particulari duplicum radicem seu causam, unde oritur impeccabilitas in Beatis. Prima est ipsa visio beatifica, qua triplici ratione potentiam peccandi à Beatis excludit. Primum, quia totam creaturæ rationalis capacitatem implet: nam ut discurrevit S. Doctor 4. cont. gent. cap. 70. ratione 2. ex eo voluntas immutabilis redditur, quod totaliter ejus capacitas impletur; sicut cœlum est immutabile substantialiter & incorruptibile, quia tota capacitas materiæ ejus expletur per ipsius formam: Sed tota capacitas voluntatis creaturæ rationalis expletur per visionem beatificam, per quam omnia ejus desideria perfectè implentur, ut disputatione præcedenti in digressione de visione beata ostensum est: Ergo per visionem beatam voluntas creaturæ rationalis redditur immutabilis à bono in malum, subindeque omnino impeccabilis.

*66.* Secundo, ut ibidem Præceptor Angelicus eodem libro cap. 92. ratiocinatur, peccatum in voluntate non accidit, sine aliquali ignorantia intellectus, propter quod dicitur Proverb. 14. *Errant qui operantur malum;* & Philosophus 3. Ethic. ait quod *Omnis peccans est ignorans:* Sed visio beata excludit ab intellectu Beatorum omnem defectum erroris, ignorantiae, & inconsiderationis, præfertim circa agibilia in particulari; cùm juxta communem Theologorum sententiam, cuilibet Beato ex vi visionis debeatur cognitionem omnium pertinentium ad proprium statum: Ergo visio beatifica ex vi sua omne peccatum à voluntate Beatorum excludit. Unde Nazianzenus oratione 44. splendori seu visioni quam à Spiritu Sancto habent Angeli, tribuit quod peccare non possunt. Et Isidorus lib. de summo bono cap. 12. *Angeli (inquit) licet sint natura suâ mutabiles, non sint tamen eos contemplatio mutare diuinâ.*

*67.* Tertiò: Videns Deum nihil potest appetere nisi ratione bonitatis divinae, & in ordine ad illam: Ergo ex vi beatificæ visionis redditur

impeccabilis. Consequentia est bona: nam peccans appetit objectum absque ordine ad bonum divinum. Antecedens probatur: Nam ut ait S. Thomas h[ic] art. 4. & 1. p. qu. 62. artic. 8. & qu. 24. de verit. art. 8. sic se habet respectu videntis Deum bonitas visa, sicut respectu viatoris bonitas in communi: At viator nihil potest appetere nisi ratione boni in communi: Ergo nec videns Deum potest aliquid velle, nisi ratione bonitatis divinae, & in ordine ad illam.

B Hanc rationem D. Thomæ improbat Vazquez h[ic] disp. 18. cap. 2. num. 9. & ait illam non videri admodum efficacem: nempe quia alio modo comparatur bonum in communi cum singulis objectis voluntatis, quā Deus cum eiusdem; bonum enim in communi includitur essentialiter in singulis objectis, circa quæ voluntas versatur actu prosecutionis; & h[ic] ratio non potest aliquid velle voluntas, quod non sit bonum, neque ab aliquo averti, quod bonum sit: At vero Deus non ita includitur in singulis objectis voluntatis; & ideo dispar est inter utrumque ratio.

C Verum h[ic] instantia & ratiocinatio frivola est: et si enim bonum divinum non claudatur essentialiter in bonis appetibilibus, non minus tamen efficaciter movet voluntatem Beati, quā bonum in communi voluntatem viatoris; immo efficacius movet, cūm necessitet voluntatem Beati non solum quoad specificationem, sed etiam quoad exercitium, ut art. 1. ostendimus: Atqui (sublumo) proper efficaciam quā gaudet bonum ut sit respectu voluntatis viatoris, nihil potest illi ut bonum proponi, nisi prout stat sub bono in communi: Ergo ob majorem efficaciam bonitatis divinae respectu voluntatis Beati, nihil poterit illi ut bonum proponi, nisi ut stat sub ordine ad bonitatem Dei.

D *70.* Confirmatur: Ideo viatori nihil potest representari ut bonum, nisi sub ratione boni in communi, quia evidenter judicat nihil esse bonum, nisi ut clausum sub illa: At videns Deum etiam evidenter judicat nihil esse bonum, nec diligibile, nisi ut stat sub ordine ad bonitatem Dei: Ergo sicut nihil potest viatori proponi ut appetibile, nisi ut stat sub bono in communi; ita nequit Beato aliquid ut appetendum proponi, nisi ratione bonitatis divinae, & in ordine ad illam.

E H[ic] duas rationes probant visionem Dei excludere non solum peccata commissione, sed etiam omissionis: nam etiam h[ic] requirunt aliquem defectum in intellectu, & sunt volita saltem indirecte & interpretative contra legem Dei.

*71.* Secunda radix unde oritur impeccabilitas Beatorum, est amor beatificus, qui ex visione sequitur, veluti prima ejus proprietas. Unde sic arguo: Beatus includit amorem beatificum, si non tanquam propriam essentiam & rationem formalem; saltem ut primaria ac præcipuum ipsum proprietatem: Sed cum tali amore incompossibile est actuale peccatum: Ergo beatitudini ab intrinseco competit impeccabilitas. Major patet, Minor probatur. Per peccatum homo avertitur à Deo ut ultimo fine, & per charitatem in Deum ut ultimum finem convergitur: At aversio à Deo, & conversio actualis in ipsum, simul esse nequeunt: Ergo cum amore beatifico incompossibile est actuale peccatum.

F Dices, hoc argumento convinci Beatos non posse peccare mortaliter, quia peccatum mor-

## DE PROPRIETATIBVS BEATITVDINIS. 69

tale est avercio à Deo ut ultimo fine: non probari tamen beatitudinem esse incomplicabilem cum peccato veniali, quod non avertit à Deo.

Sed contra: Licet peccatum veniale non avertat à Deo, divertit tamen ab ipso: At cum amore beatifico incompossibilis est nedum avercio à Deo, sed etiam diversio: Ergo amor beatificus non solum excludit peccatum mortale, sed etiam veniale, & cum nentro incompossibilis est. Major est certa: per hoc enim differunt actus charitatis, peccatum mortale, & peccatum veniale, quod charitas convertit hominem in Deum tanquam in ultimum finem; peccatum mortale illum à Deo ut ultimo fine avertit; veniale autem neque convertit, neque avertit, sed solum divertit ab ultimo fine. Minor verò probatur: Amor necessarius nedum quoad specificacionem, sed etiam quoad exercitium, non solum cum aversione à Deo, sed etiam cum diversione ab illo est incompossibilis; cùm enim sit continuus & nunquam interruptus, omnia quæ beatus diligit, actu refert & ordinat in divinam bonitatem tanquam in ultimum finem: Atquii amor beatificus, nedum quoad specificacionem, sed etiam quoad exercitium, necessarius est, ut art. i. ostendimus: Ergo cum illo nedum avertio, sed etiam diversio à Deo est incompossibilis.

73. Confirmatur: Actus charitatis, quô taliter homo fertur in Deum, ut si memoria occurreret veniale peccatum, ipsum detestaretur, cum eo peccato incompatibilis est: Sed amor patriæ istius est conditionis: Ergo cum veniali peccato est incompatibilis. Major patet, Minor probatur. Amor patriæ debet esse conformis cognitio- ni per quam regulatur: Sed visio beatifica, quæ regulat amorem patriæ, proponit Deum ut super omnia diligendum, & ad minus virtualiter judicat nihil esse appetibile quod ad Deum ordinabile non sit: Ergo amor beatificus non solum est dilectio Dei super omnia, sed etiam excludit quenvis affectum objecti ad Deum ut ad finem ultimum non ordinabilis, & virtualiter detestatur omne peccatum veniale.

74. Ratione ista ex amore beatifico desumpta sepe utuntur SS. Patres, præfertim Gregorius lib. 5. moral. cap. 27. alijs 28. ubi ait: *Natura Angelica est in semetipsa mutabilis, quam mutabilitatem vincit per hoc, quod ei qui semper idem est, vinculis amoris colligatur.* Et D. Augustinus 14. de civit. cap. 9. *Vbi* (inquit) *boni adepti amor immutabilis est, profecto, si dici potest, maliti cœpendi timor securus est.* Illius etiam meminit Anselmus lib. de cau Diaboli cap. 6. & D. Thomas qu. 24. de verit. art. 8. & lib. 4. contra gen- tes cap. 92. ratione 7.

75. Dices: Charitas patriæ, & charitas viæ sunt ejusdem speciei; & charitas viæ interdum est major, & perfectior intensivè charitate patriæ: Sed charitas viæ non excludit potentiam ad peccandum, inquit nec actuale peccatum, saltem veniale: Ergo nec charitas patriæ.

Respondeo concessa Majori, & Minori, ne- gando Consequentiam: nam charitas patriæ non habet ex sua ratione specifica, nec ratione perfectionis intensiva quâ gaudet, quod tollat potentiam ad peccandum, sed solum ratione per- fectionis individualis, seu modi operandi quem habet in patria: cùm enim ibi reguletur per lu- men gloriae, & claram visionem, que Deum ut habentem omnem rationem boni clarè repre-

A sentat, & judicat nihil esse appetibile quod ad Deum ordinabile non sit; hinc habet quod non liberè, sed necessar iò operetur, & tollat poten- tiā ad peccandum etiam venialiter, ut antea expofimus.

### S. I I.

#### *Corollarium notatu dignum.*

**E**X dictis inferes contra Victoriā relatum à Medina hīc art. 4. & contra Aegidium à Præsentatione lib. ii. qu. 16. art. 3. s. 3. causam sufficientem impeccabilitatis beatorum esse vi- sionem beatificam: unde etiū de facto visione & amore impeccabiles reddantur, si tamen de po- tentia Dei absoluta amor ex visione non seque- retur, ratione solius visionis impeccabiles rema- nerent.

Cat patet hoc corollarium ex suprà dictis. Tum quia voluntas videntis Deum ita se haber respe- ctu boni divini, sicut voluntas viatoris in ordi- ne ad bonum in communi: unde sicut impossi- bilitate est aliquem in via operari, nisi respiciendo rationem boni in communi; ita qui videt Deum non potest velle quicquam quod non ordinetur ad ipsum. Tum etiam quia, ut suprà argueba- mus, non potest esse in voluntate peccatum, nisi in intellectu error, ignorantia, aut inconside- ratio præcedat: Sed visio beata ratione sui omi- nes illos defectus ab intellectu beatorum exclu- dit: Ergo ratione sui, amore non subsecuto, est incompatibilis cum actuali peccato.

Dices: Visio beata non habet immediatam op- positionem cum peccato: Ergo non habet ex na- tura sua excludere illud. Consequentia videtur legitima. Antecedens probatur: quia visio est in intellectu, peccatum in voluntate: quia au- tem sunt in diversis subjectis non habent imme- diatam oppositionem, neque sese invicem ex- cludunt, ut summa frigiditas in manu, & sum- mus calor in pede: Ergo &c.

Respondeo concilio Antecedente, negando consequentiam. Licet enim visio Dei non habeat immediatam oppositionem cum peccato, habet tamen oppositionem immediatam cum aliquo requisito de necessitate ad peccatum, scilicet cum judicio practico, quo intellectus hīc & nunc ju- dicat aliquod bonum apparenſe esse eligendum & amandum, quamvis legi divinae contrarie- tur, & non sit ordinabile in divinam bonitatem: hoc autem sufficit ut visio beatifica ex se, & independenter ab amore quem caufat, pec- catum tam mortale quam veniale excludat, & cum utroque sit incompossibilis, ut patet ex su- pra dictis.

### ARTICVLVS V.

#### *Vtrum de potentia Dei absoluta posse cum vi- sione, aut amore beatifico, peccatum actuale, vel saltē habituale componi?*

**I**N hujus difficultatis resolutione tres reperi- 79. Theologorum sententias. Prima afferit pec- catum, tam actuale, quam habituale, posse de absolute Dei potentia cum visione & amore beatifico conjungi. Sententiam hanc defendunt omnes qui censem, beatitudinem non reddere hominēm impeccabilem ex propria & intrinse-

I iij